


Dr Rootsueb und dr Waggis


Die Geschichte hett aafgange an dr Fasnacht – do hett dr Jan bi sym Götti Philie, wo in dr Rootsheerclique isch, dörfe am Zyschtig go mitmache. Noch dr Fasnacht hett dr Jan aafgange drummlerne und zämme mit en Matthias, em Claudio, dr Melanie und e paar andere in dr Pause vo dr Liebigsstund amigs Fangis gspielt. Emool im August hett s' Mami ihn gfrogt: „Jan, was möchtest du für e Goschdüm für dr Morgestraich und am Fasnachtszyschtig? Möchtest du e Waggis, e Dummpeter oder e Harlekin? Am liebschte will dr Jan e Waggis! Will dr Matthias au e Waggis hett, ein mit ere blaue Bluse und wyssse Hoose. Im Novämber ischs bsunders schön gsi. Dr Jan hett sy Waggislarve mit em Kopfpladäärnli und sy Waggisgoschdüm bekoor. Jede Daag hett är s' Ladäärnli ussprobirt öbs immer no so schön lüchtet.




Uff dr ainte Syte isch dr Rootsueb am drummlere und uff dr andere Syte e Waggis. Jede Oobe hett dr Jan im Rootsueb und im Wagnis no abbiss vordrummlet.

Im Februar, am Samschtig vor em Ladäärnlepfyffe, isch denne s' Unglugg passiert! Haimlig hett dr Jan s' Waggis-goschdüm uss em Kaschte gnoo und d'rmit gspiilt. Wo r'är aber numme schmall uss em Zimmer use isch, hett syni glai Schweschter Fränzi mit em Filzschiff uff die wyssse Hoose e grosses roots Härz gmolt. Wo dr Jan das gseh hett isch är zerscht ganz wietig worde! S' Fränzi hett aafu hüüle und sich tuusigmal entschuldigt. Oh je, das goot nie meh ewaägi! S' hett gar nüt genutzt, dass dr Jan mit Safi und Burschte schnubbt.

Z'Oobe hett dr Jan s' Ladäärnli aazündet und sy Unglugg im Rootsueb verzelt. Do stiege dr Rootsueb und dr Waggis uss em Ladäärnli use. „Jan – sig nid so druuring – dyni Schweschter hetts jo nid böss gmainet.“ Dr Waggis verzelt vom Fasnachtszauber wo me aber nur ai Mool wirige loo ka.



„Myni Waggischoose ka denne waggse und im Jan syni Hoose ka schrumpfe.“ Dr Jan und die beide Fasnachtsfigure hän enander verschproche, dass sie für immer wänn Fründe sy.



Minibook der Rootsheere-Clique

Band 6


www.rootsheere.ch



Bi uns darf die ganzi Familie Fasnacht mache (Jungi ab 7 Joor könne drummlere und pfliffe leere, Mamma und Babbe bim Stamm mitmache).
Dr Cliquekäller liggt an dr Hebelstr. 11A.

Dr Zämmehalt isch uns wichtig: jedes Mitglied in dr Junge Garde bikunnt e Gotti/Götti bim Stamm.

Informatione zue de Yiebigsstunde, em Jooresbytrag und em Fasnachtsbytrag findsch do:



jg@rootsheere.ch

Das isch e soo bi de Rootsheere: Wär e Fründschaft zu syne Ladäärnfründe hett, ghört wie dr Rootsueb drummlere und die ander Fasnachtsfigur pfliff.

Arabi – Vorwärts – Marsch!



Dr Jan drümlt drei Mool Ladäärnli, dr Rootsueb drummleret d' Retraite und dr Waggis schüttlet d' Rääpli uss em Waggisgoschdüm.

Rooti, gääli, blai Rääpli, burzle uss em Waggisräppli. Fasnachtswind, hilf uns gschwund. Hoose mach di glai, ains-zwai-drei. Hoose mach di riisig, drei-zwai-lyslig. Dääfi und Mimoose, Fasnachtswind nup e bloose!

E Windstoss fägtt durchs Zimmer – Sch-Sch-Sch-Sch-Schwundppps – so isch es gsi! Im Jan syni Waggischoose isch ganz glai worde und im Waggis syni Hoose ganz gross.

Am Morgestraich zündet dr Jan s' Kopfpladäärnli aa uns sait syne Fründe nonemool härzligg Danggschön. ... und wenn dr Jan guet aanebloost hett, hett är ghört wie dr Rootsueb mitdrummleret und dr Waggis mitpfliff.